

SA's Leading Past Year

Exam Paper Portal

S T U D Y

You have Downloaded, yet Another Great  
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexamapers.co.za](http://www.saexamapers.co.za)



SA EXAM  
PAPERS



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**MOPHATO 12**

**SETSWANA PUOTLALELETSO YA BOBEDI (SAL)**

**PAMPIRI YA BOBEDI (P2)**

**NGWANAITSEELE 2019**

**KAEDI YA GO TSHWAYA**

**MADUO: 80**

Kaedi e ya go tshwaya, e na le ditsebe di le 11.

**ELA TLHOKO:**

- Dirisa ruboriki ka gale fa o tshwaya tlhamo ya boitlhamedi (Pampiri 2, KAROLO YA A).
- Maduo a go tloga go 0–40 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo a le mabedi a ditlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.

**RUBORIKI YA TLHATLHOBO TLHAMO YA PUOTLALELETSO YA BOBEDI [40 MADUO]**

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAAKANYO  (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlhomo, baamogedi le bokao	Maemo a a kwa godimo	22–24	18	12–16	7–11	0–6
		-Tsibogelo ya maemo a a kwa godimo thata go gaisa a a tlwaelegileng -Dikakanyo tse di botlhale, tse di gwetlhlang mogopololo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	-Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	-Tsibogelo ya tomagano e e sa tlhomamang -Dikakanyo tse di sa tlhapang e bile di se na boitlhamedi -Bosupi jo bonnye jwa thulaganyo le tomagano	-Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga a lomagana
24 MADUO	Maemo a a kwa tlase	19–21	17			
		-Tsibogelo ya maemo a a kwa godimo -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	-Tsibogelo e e tlhamilweng ka matsetseleko, mme e tlhoka boleng jwa kgogedi ya tlhamo ya maemo a a kwa godimo -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo			

**RUBORIKI YA TLHATLHOBO TLHAMO YA PUOTLALELETSO YA BOBEDI [40 MADUO] (Tsweleditswe)**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>PUO, SETAELE LE GO TSELEGANYA/ RUNA</b>  Segalo, rejisetara, setaele, tlotlofoko e e maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto	<b>10–12</b>  -Puo e e matsetseleko ya tlhotlheletso e e nonofile mo segalang -Ga e na diphoso tsa thutapuo le tsa mopeleto ka gothe -E tlhamilwe ka manontlhotlho	<b>8–9</b>  -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlhamilwe bontle	<b>6–7</b>  -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	<b>4–5</b>  -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota	<b>0–3</b>  -Puo ga e tlhaloganyesege -Tiriso e e bokoa thata ya tlotlofoko e tlhola go se tlhaloganyege
<b>12 MADUO</b>	<b>4</b>	<b>3</b>	<b>2</b>	<b>1</b>	<b>0</b>
<b>KAGEGO</b>  Diponagalo tsa setlhanywa Kago ya ditemana le popo ya dipolelo	-Kago e e manontlhotlho ya setlhogo -Dintlha tse di tlhaolegileng -Dipolelo, ditemana di bopilwe bontlentle	-Kago e e latelanang ya dintlhana -Lomagane -Dipolelo le ditemana di a latelana, di a farologana	-Kago ya dintlhana tse di maleba -Dipolelo le ditemana di bopilweng sentle -Tlhamo e sa ntse e na le tlhaloganyo	-Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tlhaloganyo	-Dintlha tse di botlhokwa di a tlhaela -Dipolelo le ditemana di fosagetse -Tlhamo e tlhoka tlhaloganyo
<b>4 MADUO</b>	<b>33–40</b>	<b>28–30</b>	<b>20–25</b>	<b>12–17</b>	<b>0–9</b>
<b>SEELO SA MADUO</b>					

**RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA BOBEDI [20 MADUO]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>DITENG, THULAGANYO LE SEBOPEGO</b>  Tsibogelo le dikakanyo Kokoanyo ya dikakanyo gore go rulaganngwe Maithlomo, baamogedi, diponagalo/melawana le tiriso  <b>12 MADUO</b>	<b>10–12</b>  -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di bothhale, tse di gamogileng -Kitso e e tseneletseng ya diponagalo tsa mofuta wa sethangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhе di tshegetsa setlhogo -Sebopego se se maleba gape se nepagetse	<b>8–9</b>  -Tsibogelo e ntle tota e e bontshang kitso e ntle ya diponagalo tsa mofuta wa sethangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng gentle gape di tshegetsa setlhogo -Sebopego se se lolameng ka diphoso tse dinnye	<b>6–7</b>  -Tsibogelo e e lekaneng e e bontshang kitso ya diponagalo tsa mofuta wa sethangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwlang -Dintlha dingwe di tshegetsa setlhogo -Sebopego se se maleba ka kakaretso fela go na le go sa nepagale go go rileng	<b>4–5</b>  -Tsibogelo e e kwa tlase e e supang kitso ya diponagalo tsa mofuta wa sethangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlhо go go tseneletseng	<b>0–3</b>  -Tsibogelo e senola go tlhoka kitso ya diponagalo tsa mofuta wa sethangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
<b>PUO, SETAELE LE GO TSELEGANYA/ RUNA</b>  Segalo, rejisetara, setaele, maithlomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto  <b>8 MADUO</b>	<b>7–8</b>  -Segalo, rejisetara, setaele le tlhotlofoko tse di maleba thatathata le maithlomo, baamogedi le tiriso -Thutapuo e nepagetse e bile e agegile gentle -E e se nang diphoso gotlhelele	<b>5–6</b>  -Segalo, rejisetara, setaele le tlhotlofoko tse di maleba thata le maithlomo, baamogedi le tiriso -Thutapuo e nepagetse ka kakaretso e bile e agegile gentle -Tlhotlofoko e e siameng tota -Bogolo ga go na diphoso	<b>4</b>  -Segalo, rejisetara, setaele le tlhotlofoko di maleba le maithlomo, baamogedi le tiriso -Go diphoso dingwe tsa thutapuo -Tlhotlofoko e e lekaneng -Diphoso ga di kgoreletse bokao	<b>3</b>  -Segalo, rejisetara, setaele le tlhotlofoko ga di tsamaisane le maithlomo, baamogedi le tiriso -E phephetha ka diphoso gape e tlhakatlhakane -Tlhotlofoko ga e maleba go maithlomo -Bokao bo kgoreletsegile tota	<b>0–2</b>
<b>SEELO SA MADUO</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>

**GO KWALA LE GO TLHAGISA****THANOLO YA DIPOTSO****KAROLO YA A: TLHAMO**

<b>DINOMORO TSA DIPOTSO</b>	<b>DITLHOGO</b>	<b>MEFUTA YA DITLHAMO</b>
1.1	Aforikaborwa o aparetswe ke mathata a dikhuduego.	Tlhaloso
1.2	Lenyalo le lentle.	Kanelo
1.3	Dintwa tsa bakgweetsi mo ditseleng.	Tlhaloso
1.4	Re ne re etetse kwa Kapa ka malatsi a boikhutso.	Kanelo
1.5.1–1.5.4	Ditshwantsho	Kanelo/Tlhaloso

[40]

**KAROLO YA B: DITLHANGWA TSE DILEELE TSA TIRISANO**

<b>DINOMORO TSA DIPOTSO</b>	<b>MOFUTA WA SETLHANGWA</b>
2.1	Lekwalo la botsalano
2.2	Thadiso ya filimi
2.3	Mmuisano
2.4	Puo

[20]

**KAROLO YA C: DITLHANGWA TSE DIKHUTSHWANE TSA TIRISANO**

<b>DINOMORO TSA DIPOTSO</b>	<b>MOFUTA WA SETLHANGWA</b>
3.1	Karata ya taletso
3.2	Papatso
3.3	Pampitshana ya tshedimosetso

[20]

**PALOGOTLHE:** 80

## MEFUTA YA DITLHAMO

### 1.1 TLHAMO YA TLHALOSO

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se thalosiwang jaaka go batlega.

Setlhogo	Dintlha tse di solo fetsweng
Aforikaborwa o aparetswe ke mathata a dikhuduego.	<ul style="list-style-type: none"> <li>✓ Motlhatlhojwa a tlhagise mabaka a a tlholang dikhuduego.</li> <li>✓ A tlhagise gore dikhuduego di ama batho jang.</li> <li>✓ A tlhagise ditlamorago tsa dikhuduego.</li> <li>✓ Motlhatlhojwa a tlhagise gore bothata jo bo ka rarabololwa jang.</li> </ul>

#### Kaedi ya go tshwaya: Tlhamo ya tlhaloso

- Motlhatlhojwa o tshwanetse go tlhalosa setshwantsho kgotsa setlhogo ka mafoko a a rileng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololedi.
- Motlhatlhojwa a bontshe fa a na le maitemogelo mo setlhogong se.

### 1.2 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solo fetsweng
Lenyalo le lentele.	<ul style="list-style-type: none"> <li>✓ Motlhatlhojwa a tlhagise gore ke lenyalo la ga mang le kamano ya gagwe le banyadi.</li> <li>✓ A tlhagise letlha, lefelo le nako ya lenyalo.</li> <li>✓ A tlhagise mofuta wa diaparo, dijo le mmino.</li> <li>✓ A tlhagise maikutlo a gagwe ka ditiragalo tseo.</li> </ul>

#### Kaedi ya go tshwaya: Tlhamo ya kanelo

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba.
- Go tshwanetswe go elwa tlhoko gore mofuta o wa tlhamo o a anela.

### 1.3 TLHAMO YA TLHALOSO

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se thalosiwang jaaka go batlega.

<b>Setlhogo</b>	<b>Dintlha tse di solo fetsweng</b>
Dintwa tsa bakgweetsi mo ditseleng.	<ul style="list-style-type: none"> <li>✓ Motlhatlhojwa a tlhagise mabaka a a tlholang dintwa.</li> <li>✓ A tlhagise ditlamorago tsa dintwa mo ditseleng.</li> <li>✓ A tlhagise gore go ka dirwa eng go fedisa dintwa tsa mothale o.</li> <li>✓ A tlhagise maikutlo a gagwe ka dintwa tse.</li> </ul>

#### Kaedi ya go tshwaya: Tlhamo ya tlhaloso

- Motlhatlhojwa o tshwanetse go tlhalosa sethwantsho kgotsa setlhogo ka mafoko a a rileng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololedi.
- Motlhatlhojwa a bontshe fa a na le maitemogelo mo setlhogong se.

### 1.4 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

<b>Setlhogo</b>	<b>Dintlha tse di solo fetsweng</b>
Re ne re etetse kwa Kapa ka malatsi a boikhutso.	<ul style="list-style-type: none"> <li>✓ Motlhatlhojwa a supe letlha le a neng a etile ka lona.</li> <li>✓ A tlhagise mofuta wa sepalamo le tlhethwa.</li> <li>✓ A tlhagise ditragalo tsa kwa Kapa.</li> <li>✓ A tlhagise maikutlo a gagwe ka loeto leo.</li> </ul>

#### Kaedi ya go tshwaya: Tlhamo ya kanelo

- Ditragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditragalo di tshwanetse go itumedisa babuisi.
- Kanelo e e atlegileng e bontsha diteng tse di maleba.
- Go tshwanetswe go elwa tlhoko gore mofuta o wa tlhamo o a anela.

#### 1.5.1–1.5.4 TLHAMO YA KANELO/TLHAMO YA TLHALOSO



**KAROLO YA B: DITLHANGWA TSE DILEELE TSA TIRISANO GAMMOGO LE  
DITLHANGWA TSE DI DIRISANG MEKGWA E E  
FAROLOGANENG YA TLHAELETSANO**

## 2.1 LEKWALO LA BOTSALENO

Lekwalo la botsalano ke le le kwalelwang tsala kgotsa mongwe mo lesikeng. Motlhatlhojwa o tshwanetse go dirisa segalo se se mo magareng.

Lekwalo la botsalano	Dintlhha tse di solo fetsweng
Motlhatlhojwa a kwalele tsala ya gagwe lekwalo a mo itsise gore o ne a robetse kwa bookelong.	<ul style="list-style-type: none"> <li>✓ Motlhatlhojwa a tlhagise se se dirileng gore a robale kwa bookelong.</li> <li>✓ A tlhagise tshegetso e dingaka le baoki ba e mo fileng.</li> <li>✓ A tlhagise maikutlo a gagwe ka bolwetse jo bo mo tshwereng.</li> <li>✓ A tlhagise maitemogelo a gagwe ka go robala kwa bookelong.</li> </ul>

### Kaedi ya go tshwaya: Lekwalo la botsalano

- Go se ke ga nna le diphoso mo lekwalong le.
- Motlhatlhojwa a dirise puo le mafoko a a maleba go tsala ya gagwe.
- Motlhatlhojwa a kwale aterese e le nngwe fela.

## 2.2 THADISO YA FILIMI

Thadiso ke pegelo kgotsa tekanyo ya tshekatsheko e e nayang kakanyo ka buka kana filimi jalo jalo.

Thadiso ya filimi	Dintlhha tse di solo fetsweng
Motlhatlhojwa a kwale thadiso ya filimi e a sa tswang go e bogela.	<ul style="list-style-type: none"> <li>✓ Motlhatlhojwa a tlhalose leina le motlhami wa filimi.</li> <li>✓ Motlhatlhojwa a tlhagise maikutlo a gagwe ka ditiragalo tsa filimi.</li> <li>✓ A tlhagise matseno mmele le bokhutlo.</li> </ul>

### Kaedi ya go tshwaya: Thadiso ya filimi

- Matseno a nne le kgogedi.
- Leina la filimi le tlhagisiwe mmogo le motlhami.
- Maina a badiragatsi le lefelo la ditiragalo di kwalwe.
- Ditiragalo di thadisiwe sentle ka tatelano.
- Puo e nne e e bonolo, mme e tlwaelegile.
- Bokhutlo e nne jo bo itumedisang.

## 2.3 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba aroganya dikakanyo ka ntšwa ya moagisani e e lomileng mmaagwe.

Mmuisano	Dintlha tse di soloftsweng
Motlhatlhojwa a kwale mmuisano magareng ga gagwe le moagisani ka ntšwa e e lomileng mmaagwe.	<ul style="list-style-type: none"> <li>✓ Motlhatlhojwa a tlhalose se se diragetseng.</li> <li>✓ Motlhatlhojwa a tlhagise maikutlo a gagwe ka ntšwa e e lomileng mmaagwe.</li> <li>✓ A tlhagise botlhokwa jwa go dirisana le moagisani.</li> <li>✓ A tlhagise tumalano ya gagwe le moagisani.</li> </ul>

### Kaedi ya go tshwaya: Mmuisano

- Mmuisano o kwalwe ka mokgwa wa moterama.
- Dibui di nne pedi fela.
- Go utlwale gore go buisanwa ka ga kotsi e e tlhodilweng ke ntšwa ya moagisani.
- Maina a dibui a tshwanetse go tlhagelela sentle.
- Motlhatlhojwa a bontshe tshimologo, setlhoa le tharabololo ya kgang ya bona.
- Matshwao a puiso a tsamaelane le puisano.

## 2.4 PUO

Puo ke karolo ya botlhokwa ya go fatlhosana. Ke tlhagiso e e neelwang mo kopanong/moletlong o o rileng. E neelwa go kgothatsa kgotsa go rotloetsa mong wa moletlo le batlamoletlong. Puo e tshwanetse go kgathisa le go neela tshedimosetso e e ka thusang mo botshelong ka kakaretso.

Puo	Dintlha tse di soloftsweng
Motlhatlhojwa a kwale puo e a tlileng go neelana ka yona mo moletlong wa matsalo a ga nkokoagwe.	<ul style="list-style-type: none"> <li>✓ Motlhatlhojwa a tlhagise matseno a a ngokang mo tlhagisong ya puo.</li> <li>✓ A kwale dintlha tse di botlhokwa tse di amanang le moletlo o.</li> <li>✓ A akgole le go rotloetsa nkokoagwe.</li> <li>✓ A bue le balalediwa ka go tsenela moletlo o.</li> <li>✓ Dintlha di golagane le go nyalelana.</li> <li>✓ A dirise puo e e repileng.</li> </ul>

### Kaedi ya go tshwaya: Puo

- Go dirisiwe dipolelo tse dikhutshwane ka dikakanyo tse di bonolo.
- Dikao tse di dirisiwang e nne tse di tlwaelegileng.
- Matseno e nne a a ngokang.
- Diteng di nne maleba le go kgatlhis.
- Dintlha di agiwe ka tolamo le gore di se phatlhalale.
- Bokhutlo bo digele dikgang tsa sebui ka tsela e e maleba, mme bo se nne tshobokanyo ya puo ya dintlha tse di builweng.
- Segalo le setaele di nne maleba le mofuta wa moletlo gammogo le batlamoletlong.

**KAROLO YA C:** DITLHANGWA TSE DIKHUTSHWANE TSA TIRISANO/  
 TSHUPETSO/TSHEDIMOSETSO/PONO GAMMOGO LE  
 DITLHANGWA TSE DI DIRISANG MEKGWA E E  
 FAROLOGANENG YA TLHAELETSANO.

### 3.1 KARATA YA TALETSO

Taletso ke karata e e dirisetswang go laletsa baeng go tla moletlong o o rileng e ka nna matsalo, pulo ya letlapa, lenyalo jalo le jalo.

Karata ya taletso	Dintlha tse di soloftsweng
Motlhatlhojwa a thale karata e a laletsang moagisani go tla tshirilong ya letlapa.	<ul style="list-style-type: none"> <li>✓ Motlhatlhojwa a tlhagise letsatsi la tshirolo ya letlapa.</li> <li>✓ A tlhagise dithulaganyo ka botlalo.</li> <li>✓ Karata e kwalwa ka <b>mmeigi</b>, ka jalo ga go dirisiwe, <i>Ke, re, o.</i></li> </ul>

#### Kaedi ya go tshwaya: Karata ya taletso

- Leina la motho yo o romelang taletso.
- Leina (dintlha tsa ntlha tsa maina) le sefane tsa molalediwa.
- Bolela gore se moeng a lalediwang kwa go sona ke eng, sekao, tshirolo ya letlapa.
- Fa go tlhokega bolela lebaka la moletlo.
- Neela lefelo, letsatsi, lethha le nako ya moletlo.
- Ka kopo araba ('R.S.V.P') neela letlha le balalediwa ba tshwanetseng go araba ka lone.
- Bolela mokgwa wa moaparo o o tlhokegang, sekao, makgethe a a lokologileng/setso.

### 3.2 PAPATSO

Papatso ke mokgwa o bagWEBI ba o dirisang go itsise ka dikumo tsa bona gore bareki ba tle ba tsiboge ka tshwanelo.

Papatso	Dintlha tse di soloftsweng
Motlhatlhojwa a kwale papatso ka kgwebo ya go rekisa maungo le merogo.	<ul style="list-style-type: none"> <li>✓ Motlhatlhojwa a tlhagise leina le mofuta wa kgwebo.</li> <li>✓ A tlhagise nako le matsatsi a ditirelo.</li> <li>✓ A tlhagise mefuta ya dijo gammogo le tlhotlhwa.</li> </ul>

#### Kaedi ya go tshwaya: Papatso

- Bareki kgotsa badirisi ba ba tobilweng.
- Nako e papatso e tlhagisiwang ka yona.
- Lefelo le papatso e yang go tlhagelela mo go lona. Sekao kuranta.
- Sebopego le fonto (mokwalo).
- Nonofo ya tlhopho ya mmala kgotsa go tlhokagala ga mmala.
- Tshedimosetso ya megala le leina la yo go ikgolaganngwang le ena fa go tlhokega.

### 3.3 PAMPITSHANA YA TSHEDIMOSETSO

Ke pampitshana e nnye e gantsi e tsenngwang mo mabokosong a poso kgotsa di abiwa mo marakanelong a ditsela. Gantsi di phasalatsa ditirelo, tiragalo kgotsa kgwebo bogolosegolo e ntšhwa.

Pampitshana ya tshedimosetso	Dintlhha tse di solo fetsweng
Motlhatlhojwa a kwale pampitshana ya tshedimosetso a itsise baagi ka ga bothata jwa dibese.	<ul style="list-style-type: none"> <li>✓ Motlhatlhojwa a tlhagise leina la setlamo sa dibese.</li> <li>✓ Motlhatlhojwa a tlhagise ditirelo tsa dibese go ya ka mafelo.</li> <li>✓ Molaetsa o a batlang go o neela bapalamo o tlhagelele sentle mo pampitshaneng ya tshedimosetso.</li> </ul>

#### Kaedi ya go tshwaya: Pampitshana ya tshedimosetso

- Tshedimosetso e rulaganngwe ka fa tlase ga ditlhogo kgotsa sekasetlhogo.
- Ditemana di nne dikhutshwane.
- Go kwalwe dipolelo tse di bonolo le go ne di nne dikhutshwane.
- Tshedimosetso ya megala le leina la yo go ka ikgolaganngwang le ena.

PALOGOTLHE YA KAROLO YA C: 20  
PALOGOTLHE YA TLHATLHOBO: 80